

**VENDIM**  
**Nr.803, datë 21.11.2007**

**PËR PËRCAKTIMIN E FUNKSIONEVE KORRESPONDUESE PËR GRADAT NË  
POLICINË E SHTETIT DHE EKVIVALENTIMIN E TYRE**

Në mbështetje të nenit 100 të Kushtetutës dhe të neneve 39 e 126 të ligjit nr.9749, datë 4.6.2007 “Për Policinë e Shtetit”, me propozimin e Ministrit të Brendshëm, Këshilli i Ministrave

**VENDOSI:**

1. Funksionet korresponduese, për çdo gradë, sipas ligjit nr.9749, datë 4.6.2007 “Për Policinë e Shtetit”, si dhe ekuivalentimi i tyre me gradat e marra, sipas ligjit nr.9643, datë 20.7.2000 “Për gradat në Policinë e Shtetit”, përcaktohen në lidhjen nr.1, që i bashkëlidhet këtij vendimi.

2. Në funksionet e këshilltarit të Drejtorit të Përgjithshëm të Policisë së Shtetit, oficerit ndërlidhës ose pranë organizmave policore ndërkombëtare, mund të caktohet çdo punonjës policie, pavarësisht gradës, që mban. Gjatë periudhës në këto funksione, punonjësi i policisë ka të drejtë të fitojë gradën pasardhëse, sipas kriterëve e procedurave të përcaktuara, i pakushtëzuar nga ekzistenca e funksioneve të lira për gradë.

3. Punonjësi personel i policisë merr gradën, që i korrespondon funksionit që kryen, vetëm nëse në çastin e kalimit në këtë sistem gradash, ka vjetërsi shërbimi jo më pak se:

a) 1 vit e 4 muaj për gradën “Inspektor”, përfshirë edhe periudhën e shkollimit policor, me përjashtim të punonjësve të policisë, që janë në periudhën e provës;

b) 2 vjet e 8 muaj për gradën “Kryeinspektor”;

c) 4 vjet për gradën “Nënkomisar”, përfshirë edhe periudhën e shkollimit policor. Specialistëve të lartë të policisë në detyrë, u jepet grada “Nënkomisar” edhe, nëse nga përlllogaritja nuk plotësojnë vjetërsinë e shërbimit, përcaktuar në këtë shkronjë;

ç) 6 vjet për gradën “Komisar”;

d) 8 vjet për gradën “Kryekomisar”;

dh) 10 vjet për gradën “Drejtues”;

e) 12 vjet e 8 muaj për gradën “Drejtues i parë”;

ë) 15 vjet e 4 muaj për gradën “Zëvendësdrejtor i Përgjithshëm”.

3.1 Pas kalimit në sistemin e ri të gradave, ngritja në gradë bëhet sipas afateve dhe kriterëve

të përcaktuara në nenin 41 të ligjit nr.9749, datë 4.6.2007 “Për Policinë e Shtetit”.

4. Ministri i Brendshëm merr masa për përfundimin e procesit të kalimit në sistemin e ri të gradave, sipas përcaktimeve të bëra në nenin 126 të ligjit nr.9749, datë 4.6.2007 “Për Policinë e Shtetit” dhe në këtë vendim, brenda 6 muajve nga hyrja në fuqi e këtij vendimi.

5. Zbatimi i këtij vendimi nuk passjell efekte financiare në Buxhetin e Shtetit.

6. Vendimi nr.64, datë 2.2.2001 i Këshillit të Ministrave “Për inkuadrimin e gradave ushtarake, në gradat e Policisë së Shtetit, dhe për përcaktimin e funksioneve, që do të ushtrohen sipas tyre”, të ndryshuar, nuk zbatohet për punonjësit e Policisë së Shtetit.

7. Ngarkohet Ministria e Brendshme për zbatimin e këtij vendimi.

Ky vendim hyn në fuqi pas botimit në Fletoren Zyrt are.

KRYEMINISTRI

**Sali Berisha**

TABELA E EKVIVALENTIMIT DHE E FUNKSIONEVE KORRESPONDUESE PËR ÇDO GRADË

Grada Ekuivalente	GRADA	FUNKSIONET
Drejtues i Parë	Drejtor i Përgjithshëm	Drejtor i Përgjithshëm i Policisë së Shtetit
Drejtues	Zëvendësdrejtor i Përgjithshëm	Zëvendësdrejtor i Përgjithshëm i Policisë. (drejtor departamenti)
Kryekomisar Komisar	Drejtues i Parë	Drejtor në DPPSh, drejtor i DPQ, drejtor i AP, Drejtor i IPSh, Shef i Zyrës Ndihmëse, Drejtor i Qendrës së Përpunimit dhe Mbrojtjes së të Dhënave.
Nënkomisar	Drejtues	Shef sektori e shef zyre në DPPSh, shef sektori në IPSh, shef sektori në AP, zëvendësdrejtor në DPQ, drejtor i DRK&M, shef i Zyrës Interpol Tiranë, shef i Qendrës Antitrafik, specialist në Seksionin e Menaxhimit të nivelit të mesëm e lartë drejtues në AP si dhe specialist, asistent (sekretariati) pranë Zv/ drejt për Hetimin e Krimit.
Kryeinspektor	Kryekomisar	Specialist në DPPSh, Komandant i RSBC, specialist në IPSh, specialist në Qendrën Antitrafik, shef sektori në DPQ, shef sektori në DRK&M, shef Komisariati Policie, shefi komisariati K&M, shef seksioni në AP, komandant në repartet speciale dhe ndërhyrjes shpejtë, komandant i Grupit të Helikopterëve, shef i IPQP, specialist në seksionin e Menaxhimit nivelit të parë drejtues në AP, shef i strukturës autonome pranë DPPSh.
Inspektor	Komisar	Shef seksioni në DPQ, shef seksioni në DRK&M, shef seksioni në DPQ, shef seksioni në DRK&M, shef seksioni në komisariate Policie, shef seksioni në komisaritet K&M, shef stacioni i K&M, shef seksioni në strukturat autonome në varësi të DPPSh, zëvendëskomandant në repartet speciale dhe ndërhyrjes shpejtë, shef shtabi në repartet speciale dhe ndërhyrjen e shpejtë, shef i Njësisë Antiexplozivave, shef i Njësisë së Negciatorëve, shef i Fluturimeve, komandant Ekuipazhi, pilot, inxhinier e teknik AS-350, teknik bordi fluturues mi-8, teknik mi-8, specialist në AP, shef seksioni në IPQP, shef seksioni në strukturat autonome pranë DPPSh.

Nëninspektor	Nënkomisarë	Specialist në DPQ, specialist në DRK&M, shef Stacioni Policie, specialist në Komisarite e stacione Policie, specialist në komisarite e stacione Policie të K&M, specialist ne strukturat autonome në varësi të DPPSh, komandant grupi në repartet speciale dhe nderhyrjes së shpejtë, komandant grupi në RSBC, specialist në IPQP, specialist në strukturat autonome pranë DPPSh, përgjegjës turni në stacionet e Policise K&M.
Kryeasistent Asistent i Parë Asistent	Kryeinspektor	Ndihmës specialist në strukturat e hetimit të krimeve, të policisë shkencore, të policisë së rendit, të sallave operative të drejtimit dhe koordinimit, ndihmës specialist (kontrollor) në Policinë K&M, në forcat speciale, përgjegjës grupi, komandant skuadre.
Agjent i Parë Agjent	Inspektor	Funksione të nivelit zbatues në strukturat administrative mbështetëse, trupë shërbimi në gjitha strukturat e policisë (përfshirë trupat në repartet speciale), në patrullat e përgjithshme të policisë, trupë shërbimi në forcat e ndërhyrjes së shpejtë.
	Nënispektor	Punonjës policie në periudhën 2-vjecare të provës.

**Spjeguese:**

**Shkurtime e përdorura në tabelën e mësipërme, kanë kuptimet si më poshtë:**

DPPSh	Drejtoria e Përgjithshme e Policisë së Shtetit
IPSH	Instituti i Policisë Shkencore
AP	Akademia e Policisë
DPQ	Drejtoria e Policisë në Qark
DRK&M	Drejtoria Rajonale e Kufirit & Migracionit
RSBC	Reparti Sigurisë së Brendshme dhe Ceremoniali
IPQP	Instituti Përgatitës Qerue të Policisë
QFMT	Qendra e Furnizimit Materialo teknike (strukturë autonome pranë DPPSh)
QShAMT	Qendra e Shërbimit dhe Administrimit të Mjeteve të Transportit (strukturë autonome pranë DPPSh)
QPM	Qendra Profilaksisë dhe Mjekimit (strukturë autonome pranë DPPSh)
QShTI	Qendra Shërbimeve të Teknologjisë Informacionit (strukturë autonome pranë DPPSh)